

Perorsaanermik Ilinniarfik Socialpædagogisk Seminarium



**PI/SPS
ILINNIARNERUP
AAQISSUGAANERA**

Ilinniagaq Inulerinermi siunnersorti.

Aprili 2024



Imarisai

Rektor siulequtitut oqaaseqaatai	4
Aallaqqaasiut	4
Atortuulersitsineq.....	5
Ilinniakkap toqqammavii malitassatullu atugassiai	6
Ilinniakkami kalaallit tungaanniit sammiviliineq	6
Ilinniakkap ineriartornera, ataqatigiinnera atajuarneralu.....	6
Ilinniakkap sivisussusaa ECTS-inggorlugu	6
Ilinniakkamut isernissamut piumasaqaatit.....	7
Qinnuteqarnissamut killigititaq ilinnialernissamullu akuerineqarneq	7
Ilinniakkap siunertaa anguniagaalu	8
Inulerinermi Siunnersorti ilinniakkamik naamassinnissimasup piginnaasatigut ilisarnaatai	8
Inulerinerup iluani Siunnersortitut Ilinniakkami ilikkagassatut anguniakkat	9
Ilinniakkap sannaa aaqqissugaaneralu	10
Ilinniartitsinermi toqqammaviit najoqqutassallu	11
Imarisat suliaasaqarfimmut tunngasut modulinilu ataasiakkaani ilikkagassatut anguniakkat.....	12
Modul 1: Isumaginninnerup iluani sulineq – toqqammaviit suliamullu tunngasut	13
Modul 2: Ingerlatitsiviit pillugit ilisimasassat	14
Modul 3: Isumaginninnerup iluani suliasat inuiaqatigiinnilu pissutsit.....	15
Modul 4: Inunnut ataasiakkaanut, innuttaasunut ilaqutariillu pillugit inatsit	16
Modul 5: Meeqqat inuusuttullu	17
Modul 6: Suliffimmi pissutsit.....	18
Modul 7: Inuttut inooqatigiinnikkullu naligiinnginneq atugarliornerlu - inuk ataaseq ilaqutariillu	19
Modul 8: Aaqqissuussaaneq, attaveqatigiinneq siunnersueriaaserlu.....	20
Modul 9: Aliasuuteqarneq, ajornartoorneq nalaassimasamillu kingunerlutsitsineq	21
Modul 10: Isumaginninnerup iluani siunnersuineq.....	22
Modul 11: Piffissamut itinerusumik sammisaqarfissamut aalajangersimasumillu	23
Modul 12: Soraarummeerneq	24
Soraarummeerneq misilitsinnerillu	24
Modulini misilitsinnerit.....	24
Soraarummeernermi modulinilu misilitsinnerni soraarummeertunik nalileeqaatasut pillugit aalajangersakkat.....	25

Misilitseqqinnissamut, napparsimanerup kingorna soraarummeernissamut suliffimillu misiliinissamut piffissarititaq nutaamut aalajangersakkat	25
Soraarummeernerup allagartaq ilassuteqaatitullu allagartaq (Diploma Supplement).....	26
Naammagittaalliornerit	26
Ilinniarnertup nalaani nunani allaniinneq.....	26
Ilinniarnertup nalaani siunnersortinneq	26
Ilinniartunik siunnersuineq.....	27
Suliatigut siunnersortinneq	27
Peqataanissamut pisussaataaffik	27
Ilinniakkamik aallussineq.....	27
Amigartumik peqataaneq	28
Piffissaq naammassinissamut atornerqartoq	28
Immikkut akuerineqarnissamut aalajangersakkat.....	28

Rektorip siulequtitut oqaaseqaatai

Perorsaaneramik ilinniarfimmi / Socialpædagogisk Seminariumimi (PI/SPS) Inulerinerimi Siunnersortitut ilinniakkap aqqissugaanera uunga ilinniakkap aqqissuunneranut imarisaanullu toqqammaviuvoq.

Inulerinerimi Siunnersortitut ilinniagaq 2020-mi ilisimatusarfimmiit PI/SPS-imut nuunneqarpoq. Qitiusumillu ilinniarfittut Inulerinerimi Siunnersortitut ilinniakkap ingerlaqqiffiusumik ilinniakkatut neqeroorutigineqarnissaa Naalakkersuisunit akuerineqarluni.

PI/SPS-ip Inulerinerimi Siunnersortitut ilinniagaq neqeroorutigisinnaammagu isumaginninnerullu iluani siunnersuinermut ilinniakkap tungaatigut kivitseqataasinnaagami nuannaarutigaa.

Ilinniagaq suliassaqarfimmi piviusorsortumik suliaqarnermik ilinniartullu siunnersuinikkut tunngasutigut sulinerminit misilittagareriigaaniit ilanngussaqaqarnerannit aallaaveqarpoq, taamaattumillu siunnersuinerup iluani atorfeqareersunut tulluarsagaavoq.

Inulerinerimi Siunnersortitut ilinniagaavoq, suliassaqarfimmi misilittakkanit suliassaqarfimmilu piginnaasanit aallaaveqartoq taakkuningalu ilinniartup atuagarsornermut ilinniakkallu aqqissugaaneranut naleqqiullugu tapiissuteqassaaq. Taamaasilluni ilinniarneq nikerarfiusuuvoq, piffissap ilaa suliffimmi ilaalu ilinniakkami modulunut atorneqassaaq.

Sumiiffinni piukkunnaatilinnik holdiunissaminnut naammattunik qinnuteqarfiusuni aammattaq sumiiffinni ilinniagaqarnissamut toqqammavinnik pitsaasunik pilersitsiffiusinnaasuni najugarisaq qimannagu ilinniagaq neqeroorutigineqarpoq. Isumaginninnermut tunngatillugu ilinniartitaanermi aqqissuussaannikkut suliassanut pikkorissutsip qaffassarneqarnissaa nangitsiviusumillu ilinniagaqarsinnaanissap periarfissaanissai aamma siunertarineqarpoq, Inuleriermi Siunnersortitut ilinniakkami anguniakkat angunerisigut isumaginninnikkut siunnersortitut bachelorinngorniartoqarsinnaavoq, tak. ilinniakkami angusimasanik ilisimatusarfimmi ilinniarnissamut nuussilluni ilinniakkamut isernissamut piusaqaatit.

Ilinniarnep aqqissugaanera ullormi 12. marts 2020-mi PI/SPS-imi siulersuisunit akuerineqarpoq

Nuka Kleemann
Rektori

Aallaqqaasiut

Perorsaanermik Ilinniartut / Socialpædagogisk Seminariumimi (PI/SPS) Inulerinermi Siunnersortitut Ilinniakkap aqqissugaanera una allakkiaavoq inatsisit, peqqussutit, nalunaarutit aalajangersakkallu allat atuuttut toqqammavigalugit ilinniakkami maleruagassanut aalajangiisuusoq.

PI/SPS-imi Inulerinermi Siunnersortitut Ilinniartutut Ilinniakkap aqqissugaanera suliasaqqarfimmut ilinniartitsinermullu tunngasunut aalajangersakkanik imaqqarpoq. Aammattaaq ilinniartitaanerup sannaata ilinniartitsissutini modulinilu siunertarineqartut, kiisalu ilinniartitaanerup ineriartortinnerata nassuaataanik imaqqarpoq.

Ilinniarnep aqqissugaanera ilinniarnep pillugu quppersakkamik tapertaqqarpoq sukumiinerusumik ilinniagaq pillugu allaatiginnittumik, tamatumunnga ilanngullugit ilinniakkap moduliisa imarisai. Ilinniarnep pillugu quppersakkami aamma PI/SPS-imi ilinniartut avatangiisii sammisarisartaagaalu assigiinngitsut, siunnersuisoqatigiit ataatsimiititalu, kiisalu ilinniarnep aamma PI/SPS pillugit paasissutissanik allanik imaqqarpoq.

Inulerinermi Siunnersortitut Ilinniartut Ilinniakkamut aalajangersakkat akuerisat.

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-meersoq
- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Perorsaanermi Ilinniartut Inulerinermi Siunnersortitut Sullissisutut Ilinniartutut Ilinniakkamik angusineq Isumaginninnerup iluani inulerinermi Siunnersortitut taaguuteqqartitsilissaaq. Danskisut ima taaguuteqqarpoq: Rådgiver i Socialt Arbejde tuluttullu ima taaguuteqqarluni: Counsellor in Social Work.

Ilinniakkap aqqissugaanera ukiup ilinniartut aallartinnerani atuutilissaaq aatsaallu piumasarineqqarpat ikaarsaarniarnermi malittarisassanik imaqqassaaq. Ilinniakkat aqqissugaaneri ilinniartut nittartagaani kikkunnit tamanit atuarneqqarsinnaasussaapput.

Atortuulersitsineq

Isumaginninnerup iluani inulerinermi Siunnersortitut Ilinniartutut Ilinniakkap aqqissugaanera una 1. august 2020-miit atuutilersinneqqassaaq siuliatu Najugarisaq qimannagu Isumaginninnerup iluani Siunnersortitut ilinniakkap aqqissugaanera taarsissallugu.

Ilinniakkap toqqammavii malitassatullu atugassiai

Inunnik isumaginninnermik suliaqarnerup iluani aamma ingerlatsinermi oqartussat isumaginninnikkut suliassaqarfiat tamakkerlugu ilinniagaq sammiveqarpoq.

Ilinniakkami kalaallit tungaanniit sammiviliineq

Ilinniagaq kalaallit inuiaqatigiit kulturiallu toqqammavigalugit aqqissuussaavoq. Ilinniartut tamassumunnga namminneq siunnersuinikkut misilittakkaminnik maluginiarsimasaminnillu ilisarititsinissaat naatsorsuutigineqarpoq tamannalu holdit ataatsimoorlutik isummersoqatigiinnissaanut atortussiaassaaq. Piviusunik katersilluni (casestudie) ilinniarnermi suliaqarneq kalaallit tungaanniit sammiviliinermik aallaaveqarpoq Kalaallillu Nunaanni siunnersuinermi pissutsinut sammiveqarluni. Ilinniartup ilinniarnerni tapersiinera ilinniarnernup annertunerpaartaani Kalaallit Nunaanni inuuniarnikkut atukkat pillugit suliatigut sammisaqartitsissaaq.

Ilinniakkap ineriartornera, ataqatigiinnera atajuarneralu

Inulerinerup iluani Siunnersortitut Ilinniartutut Ilinniagaq piffissap ilaanut ilinniartitaanertut aqqissuussaavoq, ilinniarneq ukiunik pingasunik sivisussuseqarpoq arfinilinnik semesterilik 12-inillu pilersaarusiukkanik ilinniartitaanissamut moduleqarluni. Ilinniarnernup ingerlanera modulini sammisat aallaavigalugit aqqissuussaavoq ilinniagaq ineriartortikkumallugu ataqigiissikkumallugulu.

Ilinniakkap aqqissugaanerani atuagarsorneq sulinerlu ataavartumik ataqatigiipput. Tamanna ilinniartitsinermit sulinerup ilanngunneqartarneranik ingerlaavartumik tunngavilersorneqarpoq, soorluttaaq naatsorsuutigineqartoq ilinniartut moduliniit teoriit suliffimmini sulinerminni atortassagaat naatsorsuutigineqartoq. Ilinniarneq inulerinermi siunnersortitut modulini ilinniartitaanerit akornanni sunneeqatigiinneratigut ingerlanneqassaaq.

Ilinniakkap sivisussusaa ECTS-inggorlugu

Piffissaaq eqqarsaatigalugu modulit ataasiakkaat akornanni angerlarsimaffimmi suliaqartarnissaaq naatsorsuutigineqassaaq. Modulit tamarmik kingorna suliaqartarnissaaq, modulillu akornanni ilinniartut ilinniartitsisullu akoranni ilinniartitaaneq/siunnersortinneq/suleqatigiilluni isumasioqatigiinneq internetikkut ingerlanneqarnissaa piumasarineqartassaaq.

Modulini ilinniartitaanerit ilinniarnissamullu atuagarsorneq aamma sulineq ataqatigiissillugit piareersarnermik suliaqarneq, ilinniakkamilu ilikkagassatut anguniakkat angunissaanut suliaqarneq katillugit semesterimi ataatsimi annertussusaa 15 ECTS-imik naleqarpoq (1 ECTS agguaqatigiissillugu 27 – 28 tiimit missaanni ilinniarnermi suliaqarnermik naleqarpoq).

Ilinniagartuutut ilinniagaq tamakkerlugu 90 ECTS pointinik annertussusiligaavoq .

Ilinniakkamut isernissamut piumasaqaatit

Ilinniagaq isumaginninnerup iluani sulisunoortuuvoq, pingaarnertut isumaginninnerup iluani ajornartorsiutinut tunngasunik sulissanillu suliaqartartunut.

Qinnuteqartup Ilinniagartuutut ilinniakkamut akuerisaanissaanut piumasaqaatit tassaapput

- ilinniarnertuutut naammassisimanissaq, imaluunniit
- niuernermi ilinniakkamik naammassinnissimanissaq, assersuutigalugu HK-mut tunngasumik ilinniagaq, imaluunniit
- isumaginninnerup iluani inuussutissarsiutitigut ilinniakkamik naammassinnissimanissaq, assersuutigalugu socialassistentitut, peqqissaanermut ikiortitut imaluunniit siunnersuinermi ikiortitut, imaluunniit
- meeqqat atuarfianni inaarutaasumik misilitsissimaneq ilanngunnagu naapertuuttumik akuerisamik ilinniarsimanissaq, assersuutigalugu attaveqatigiinnerup, oqaloqatiginneriaatsip iluini sivisuumik pikkorissarsimanissaq, assingusumilluunniit

Saniatigut aamma piumasaqaataavoq qinnuteqartup

- minnerpaamik ukiuni marlunni naapertuuttumik uppersaatitalimmillu isumaginninnerup iluani siunnersuisutut sulineramik misilittagaqarsimanissaa, aamma
- meeqqanut inuusuttunullu innarluutilinnuunniit imaluunniit inersimasunik utoqqarnilluunniit aarlerinartorsiortunut tunngassutilinnut oqartussatut sullissisutut uppersaatitalimmik atorfeqarsimanissaa, aamma
- suliffigisaq peqatigalugu ilinniarnissaminut pilersaarusiarsimanissaa, tassani modulini ilinniartitaanerup akornanni sulinermi ilinniarneq qanoq isilluni sallinneqarnissaa ilaassaaq.

Qinnuteqarnissamut killigititaq ilinnialernissamullu akuerineqarneq

Ilinniartutut ilinniakkamut ukiakkut semesterimi aallartittussamut isernissamut qinnuteqarnissaaq 1. marts killeqartinneqarpoq, kiisalu taassumap avataatingut aamma qinnuteqartoqarsinnaalluni, peqataasussanik imaqartilluarniarlugu. Ilinniagarisimasat kiisalu sulinermi misilittakkat attuumassuteqartut qinnuteqaammut ilaliunneqassapput.

Ilinniagarisimasat sulinermilu misilittakkat ataatsimoortillugit nalilersorneqarneri ilinnialertussanik toqqaanermi tunngavigineqassapput. Ilinniakkamut inaarutaasumik akuerineqannginnermi ilinniarnissamut pilersaarutip assiliner PI/SPS-ip pissarsiareqqaassavaa, ilinniartup suliffiatu suleqatigiillutik pilersaarusiarsimasaat¹

Qinnuteqartunik piukkunnaatilinnik 14-inik akuersinermi ilinniagaq aallartinneqassaaq, holdi ataaseq amerlanerpaamik 20-nik ilinniartoqarsinnaavoq. Ilinniartunut inissanit amerlanernik qinnuteqartoqarnerani piukkunnaatillit ilinniarnep aallartinnissaanut neqeroorfigineqassapput.

¹ Ilinniarnissamut pilersaarummut najoqqutassiaq PI/SPS-imi piniarneqarsinnaavoq

Ilinnialernissamut akuerisaanermi ilinniartup nipangiussisussaataitanermut akuersissut atsiussavaa, tamanna inimi ilinniartitsivimmi ilinniartut ilinniartitsisullu akornanni tatigeqatigiinnermut tunngavigineqassaaq.

Inulerinermi Siunnersortitut ilinnialernissaminnut akuerisaasut tamarmik Meeqqanik pinerliisimannginnermut Pineqaatissinneqarsimannginnermullu uppernarsaataat pissarsiarineqassapput.

- Ilinnialertussap pineqaatissinneqarsimannginnermut uppernarsaatini pissarsiarissavaa PI/SPS-imullu nassiullugu.
- Ilinnialertussap immersugassaq ilaareersoq immersorsinnarlugu PI/SPS-imut nassiutereerpagu Meeqqanik pinerliisimannginnermut uppernarsaat PI/SPS-ip aassavaa.

Ilinniakkap siunertaa anguniagaalu

Inulerinermi Siunnersortitut Ilinniakkami siunertarineqartoq tassaavoq Isumaginninnerup Iluani ingerlatsinermi oqartussatullu atuuffilittut sulisooreersut ilinniaqqissinnaanerannik periarfissinneqarnissaat.

Kalaallit Nunaat tamakkerlugu siunnersuisarnerup iluani piginnaangorsaqqiineq politikikkut soqutigineqarlunilu kissaatigineqarpoq, taamaammat Ilinniartutut ilinniagaq suliaqarnermut tunngasutigut piviusorsiortoq periarfissiissutigineqarpoq, ilinniartup ilinniarnini tamaat sulinini ulluinnarsiutinilu attatissavai, sivikitsuinnarmillu ulluinnarsiutini qimassallugit ilaatigullu aamma modulini ilinniartitaaniarluni ilaqttani qimaqqassallugit.

Ilinniagaq ilinniartup inuttut ineriartornissaanut tapersiissaaq, tamassumunnga ilanngullugu ilinniartup inuiaqatigiinni kalaaliusunut soqutiginninnera eqeersimaarlunilu peqataanera. Ilinniarnep aamma pingaartumik kalaallit inuiaqatigiinnut kulturiannullu sammiveqarluni Isumaginninnikkut Siunnersortitut Sulinermit tapersiissaaq. Tamanna nunatsinni pisut ersarissut attuumassutillit modulini, ilinniartitsissutini ilinniarnermilu sulianut tunngaqqissaartuni sammineqarneratigut anguniarneqassaaq.

Ilinniarnep ingerlanerani ilinniartup suliassaqarfiup iluani sulinermini piginnaasaqarfigileriigai ilisimasarileriigaalu annertusarneqassapput, taamaasilluni ilinniarnemigut isumaginninnerup iluani ilisimasaqarlualerlunilu piginnaasaqarlualissaaq, kiisalu atuagarsornikkut sukumiisumik ilisimasaqalerlunilu periutsinik piginnaasaqalissaaq.

Inulerinermi Siunnersortitut ilinniakkamik naammassinnissimasup piginnaasatigut ilisarnaatai

Inulerinermi Siunnersortitut ilinniakkamik naammassinnissimasut ukuningga suliaqarnissaminnik piukkunnaateqalissapput:

- Inunnut ataasiakkaanut, eqimattakkaanut, kattuffinnut inuiaqatigiinnullu tunngasunut isumaginninnermi suliassanut atatillugu suussusersisinnaaneq, nassuiaasinnaaneq, misissuisinnaaneq, naliliisinnaaneq iliuseqarsinnaanerlu
- Inatsisinut, atuisut inissisimaffiannut ingerlatsivimmilu suleriaatsinut naapertuuttumik oqartussaasutut sulianik isumaginnissinnaaneq aalajangiisinnaanerlu kiisalu aalajangerit aallaavigalugit iliuseqarsinnaaneq
- Isumaginninnermi suliat paasiniarnerinut inuiaqatigiinni aqqissuussaannikkullu pissutsinik ilanngussisinnaaneq
- Suliamik ilisimasalittut atuisunut atassuteqalersinnaaneq kiisalu imminermut naleqartitanik, maligassianik isummanillu paasisimasaqarneq tunngavigalugu inunnik sullissisinnaaneq
- Isumaginninnerup iluani sulianik suliaqarneq ataqatigiissaarisinnaanerlu aamma isumaginninnerup iluani suliniutinik aqqissuussineq, kiisalu siunnersuineq, aqutissuineq isumaginninnermilu pitsaaliuinnermik ikiorsiinernillu suliaqarsinnaaneq

Inulerinnermi Siunnersortitut Ilinniakkami ilikkagassatut anguniakkat Piginnaasassatut piumasaaqatit qulaani allassimasut peqataasunut ilinniartitaanikkut ukuningga angusaqarnissaannik nassataqassapput:

- Aalajangersimasumik periuseqarluni sulianik suliaqarnermi paasisimasaqarneq piginnaasaqarnerlu
- Isumaginnermi sulinnermik ilisimasaqarneq paasisimasaqarnerlu, inuttut ajornartorsiutaasut, inunnut ataasiakkaanut eqimattakkaanullu pisunik malunnaatilinnik kingunerisaanillu tamakkiisumik paasinnissinnaanerussammata
- Atuagarsornerup periutsillu tungaaniit paasisimasaqarneq, inuttut ajornartorsiortunut atatillugu pitsaaliuinnermut ikiorsiinermilu suliaqarnermi tamakkiisumik paasisimasatik atorsinnaaniassammassuk
- Inuiaqatigiinni kalaaliusuni inuttut inooqataaermermi aningaasaqarnikkullu ineriartorneq pillugu ilisimasaqarneq
- Inuttut ajornartorsiutinut tunngasutigut inooqatigiinnik ilisimatusaatikut sammiveqartunik ilisimasaqarneq
- Aqqissuussaannikkut toqqammavigineqartut isumaginninnerup iluani sulinnermut pingaaruteqassusaannik paasisimasaqarneq
- Ingerlatsivinni aalajangiisarnernut periutsinut tunngavigineqartunik paasisimasaqarneq
- Ilaqutariinnut tunngasunik suliaqartarnermi maleruagassat maleruagassallu allat isumaginninnermi suliaqarnermut pingaaruteqartut pillugit ilisimasaqarneq
- Isumaginninnermi malittarisassanik ilisimasaqarluarneq taakkuninngalu atuinissamut piginnaasaqarneq
- Inulerinnermi siunnersortitut nammineq inuttut qanoq ittuunerata sulineratalu ataqatigiinnerinut paasisimasaqarneq. Aammattaaq suliamik ilisimasalittut atassuteqalernissamut piginnaasaqarneq suliamillu ilisimasalittut oqaloqateqarnissamik pilersitsinissamik paasisimasaqarneq
- Inuttut piginnaasanik nukittorsaaneq, tamassumunnga ilanngullugu attaveqatigiinnermi piginnaasat

- Qitiusutut saaffigisat pillugit ilisimasaqarneq kiisalu saaffigisanut tassunga atatillugu inuiaqatigiinnik ilisimatusaatinik tarnillu pissusaanik ilisimatusaatinik ilisimasaqarneq

Ilinniakkap sannaa aaqqissugaaneralu

Ilinniartitaanermi modulit Kalaallit Nunaanni sumiiffinni assigiinngitsuni ingerlanneqassapput. Ilinniarnermi ilinniartitaanermilu avatangiisit eqqarsaatigalugit ilinniartitaanermi modulit ilai PI/SPS-ip qitiusumik immikkoortortaarfiani Ilulissani ingerlanneqassapput. Modulit allat sumiiffinni ilinniartitsisinaanermut atortussanik pissarsiaqarfiusinnaasuni PI/SPS-ip sineriammi najugarisami immikkoortortaarfiani allani sumiiffinniluunniit allani ingerlanneqarnissaat aaqqissuunneqassaaq. Ilinniartut allat peqatigalugit, ilaatigut isumaginninnermi assistentingorniat isumaginninnermilu perorsaasunngorniat peqatigalugit sunniiveqatigiittarnissaq eqqarsaatigineqassaaq, isumaginninnermi suliaqarnermi sammisat kattutaarlugit sammivii paasisimasaqarfigilernissaat nukittorsarumallugu.

Ilinniartut ilinniakkamik aallartitsisussat amerlanerpaartaat sumi najugaqarnersut modulit aaqqissuunneqarnerini eqqarsaatigineqassaaq.

Ilinniagaq ukiunik pingasunik sivissuseqarpoq. Semesterimi ataatsimi modulit marluk ingerlanneqartarput nalinginnaasumik sapaatip akunnerinik marlunnik sivissuseqartut, ilaatigut ullut angalaffiusut ilanngullugit.

Semesterip aallartinnginnerani semesteri tamaat ilinniarnissamut naatsorsuutigisatut pilersaarusiamik ilinniartut pissarsissapput. Piffissaq eqqarsaatigalugu atuakkanik atuarnissamut, suliaasanik suliaqarnissamut modulillu sioqqullugit kingornalu sulineq pillugu isummernissamut periarfissaqartitsisoqarniarluni ilinniarnernerup modulii pilersaarusionneqassapput.

Modulit ima aaqqissuunneqassapput modulit ilai ilinniartitsissutsimik ataatsimik sammisaqarfiusallutik ilaalu sammisat kattutaarlugit ilinniartitsissutaassallutik.

Suliaqarfiit aalajangersimasut ataasiakkaat ilaatigut suliassa qarfitsigut immikkoortinneqarsinnaangillat, kisianni modulini ataasiakkaani ilinniakkami anguniakkat angunissaanut suliaqarnerup annertussusissaa ataani takussutissiami ilusilersorneqarpoq, ilinniartitaanerlu tamanna aallaavigalugu ima aaqqissuunneqarsimavoq:

Ilinniartitsissut:	Isumaginninnerup iluani sulineq	Inatsisilerineq	Inuiaqatigiilerineq	Tarnip pissusilerineq	Katillugit:
Modul 1	7,5				7,5 ECTS
Modul 2		7,5			7,5 ECTS
Modul 3			7,5		7,5 ECTS
Modul 4		7,5			7,5 ECTS
Modul 5	2,5	1		4	7,5 ECTS
Modul 6	4	1	2,5		7,5 ECTS
Modul 7	3	1,5	3		7,5 ECTS
Modul 8	2		2	3,5	7,5 ECTS
Modul 9				7,5	7,5 ECTS
Modul 10	7,5				7,5 ECTS
Modul 11	7,5				7,5 ECTS
Modul 12	2	1,5	2	2	7,5 ECTS
Katillugit:	36 ECTS	20 ECTS	17 ECTS	17 ECTS	90 ECTS

Ilinniartitsinermi toqqammaviit najoqqutassallu

Inulerinermi Siunnersortitut Ilinniakkami ilinniartitsineq ilinniartut siunnersuisutut sulinerminni misilittagaanniit, ilisimasaanniit ilisimasariigaanillu aallaaveqartinneqarpoq. Tamassuma periutsip ilaatigut ilisarnaatigaa sulinermi misilittakkat pillugit aamma misilittakkanut atatillugu ilinniartup iliuuseqarnissaminut piginnaasai pillugit isummersorneq. Modulini tamani ilinniartut sulinerminni misilittagaasa ilanngunneqarnissaat suliniutigineqartarpoq, tamanna teoriinik, atuakkanik inatsisinillu paasinninnissanut toqqammavigineqarpoq.

Ilinniartuq ilinniaqatigiinnut (studiegruppe) ilanngunneqassaaq, taakkua suleqatigiissutigisassavaat ilinniaqatigiittut suliassat, atuakkat paasinissaat, atuagarsorneq sulinerlu ataqatigiissinniarlugit suleqatigiinneq, ilinniarnepur ingerlanerani imminnut kajumissaarniarneq tapersersoqatigiinniarlunilu il.il. Modulimut siullermut piffissallu pingasunut akornanniittunut piareersarnissanut naatsorsuutigineqarpoq ilinniartuq namminersorluni suliqaassasoq imaluunniit eqimattakkaarlutik atuagassanik atuassasut suliassanillu suliqaassasut. Tamassumani naatsorsuutigineqarpoq ilinniartup suliffiani nammineq atuagarsornerminiit sulinerminiillu ilinniarnini pillugu suleqatini avitseqatigalugillu isummersoqatiginissai.

Suliaqarfinni aalajangersimasuni ataasiakkaani, modulini sammisanilu sulinermi ineriartorneq anguniarlugu ilinniartitaaneq aaqqissuunneqarpoq. Ilinniartitaanermi ilinniartitsissutit ilaatigut

assigiinnigissutsinik ersersitsinernik siunnersuinnermilu sammiviliinernik isumaginninnermilu sulinnermut tamakkiisumik ataatsimoorussamillu pissarsiffigisassatut sunniiveqatigiissapput. Ilinniarnep ingerlanerani suleriaaseq namminersornermut saatsinneqariartuaassaaq, ilinniartoq nammineerluni suliaassanik suliaqarsinnaanngortikkumallugu.

Ilinniartup sulinikkut ineriartornera sungiusaatinik projektinillu suliaqarneratigut tapersorsorneqassaaq, tassani ajornartorsiutit tungaatigut suliaqarnermi iliuuseqarnissamut piginnaasat ammasumillu aamma tunniutiinnajuissuseqartumik suleriaaseqarnissaq ukkatarineqassaaq.

Ilinniartitaanerup annertunerpaartaa kalaallisut ingerlanneqassaaq, aammattaarli danskisut tuluttulluunniit ilinniartitaaneq ingerlanneqarsinnaalluni. Atuagassat annertunerpaartai kalaallisuujullutillu danskisuussapput.

Misilitsinnernut soraarummeernernullu atatillugu suliaqarsinissutaasimasunik tunniussinermi oqaluttariarsornikkut aamma/imaluunniit allattariarsornikkut atortussanut tunngasutigut oqalutseqarnek nutserisoqarnerlu oqaluserineqarsinnaavoq.

Imarisat suliaqarfimmut tunngasut modulini ataasiakkaani ilikkagassatut anguniakkat

Modulini ataasiakkaani sammisat, qulequttat imarisai kiisalu modulini ataasiakkaani siunertarisat anguniakkallu quppernemi tullinnguuttuni allatorneqarsimapput ilinniagartuutullu ilinniakkami ilinniartitaanissap aaqqissugaaneranut missingusiatut ilitersuutaapput.

Modul 1: Isumaginninnerup iluani sulineq – toqqammaviit suliamullu tunngasut

- Ilinniakkap ilisaritinnera
- Isumaginninnerup iluani sulinermi atulersitsineq
- Inulerinermi Siunnersortitut atorfeqarneq
- Isumaginninnerup iluani sulinermi ileqqorissaarneq naleqartitallu
- Isumaginninnerup ataqtigiittumik aqqissugaanerata sannaa ataatsimut isigalugu
- Aalajangersimasumik periaaseqarluni suliassanik suliaqarneq
- Nalunaarsuivik aalajangersimasumik periutsitut atortoralugu
- Isumaginninnerup iluani sulineq tamakkiisumik isigalugu
- Aningaasaqarneq missingersuusiorterlu

Modulimi siunertarineqarpoq peqataasut nalitsinni inuiaqatigiinni Inulerinermi Siunnersortitut atorfeqarnerup ilisaritineqarnissaa.

Aallarniutitut ilinniagaq tamaat suliaqarfiillu aalajangersimasut assigiinngitsut ilisimatitsissutigineqassapput. Aammattaaq ilinniarnermi periaaseq sammineqassaaq. Inulerinerup iluani sulinerup isumaata imarisaa ilisaritineqassaaq oqaluttuarisaanermiillu sammivilerlugu nassuiarneqassalluni. Isumaginninnerup iluani sulinermut atatillugu naleqartitat toqqammavigineqartut isumaalu nassuiarneqassapput soorluttaa taaguut ileqqorissaarneq nassuiarneqassasoq. Isumaginninnerup ataqtigiittumik aqqissugaanerata sannaa ilinniartitsissutigineqassaaq aalajangersimasumillu periuseqarluni sulianik suliarinnineq, kiisalu nalunaarsuineq (journalskrivning) naatsumillu aningaasaqarneq missingersuusiorterlu sammineqassallutik. Ataatsimoorussamik pissarsiffigisassatut isumaginninnerup iluani sulineq aallaavigineqassaaq.

Modulimi anguniagaq tassaavoq peqataasut:

- Ilinniarnermut periutsemi atortussanik assigiinngitsunik ilisimasaqalernissaat piginnaasaqalernissaallu
- Suliaqarfinni aalajangersimasuni taaguutinik tunngavigineqartunik ilisimasaqalernissaat paasisimasaqalernissaallu
- Inunnik sullissinnermut atatillugu isumaginninnerup iluani sulinerup ileqqorissaarnerullu isumaasa imarisaanik ilisimasaqariartuaalernissaat
- Isumaginninnerup ataqtigiittumik aqqissugaanerata sannaa ilisimasaqarfigilernissaat
- Isumaginninnerup iluani ajornartorsiutinik suussusersisinnaanermut, nassuiaasinnaanermut misissuisinnaanermullu piginnaasaqalernissaat
- Inulerinerup iluani sulinermi tamakkiisumik isigalugu immikkoortuanik paasisimasaqalernissaat
- Isumaginninnerup iluani nammineq atorfitsik allallu atorfiit pillugit ilisimasaqalernissaat
- Aningaasaqarneq missingersuusiorterlu pillugit annertunerusumik qaffasissusilimmik ilisimasaqalernissaat

Modul 2: Ingerlatitsiviit pillugit ilisimasassat

- Ingerlatitsiviit sannaat atuuffiilu
- Ingerlatitsivinni aalajangiisarnernut tunngavigineqartut ilisimasaqarfigilernissaat
- Inatsiseqartitsinikkut paasissutissanik pissarsivissat
- Inuit pisinnaatitaaffii
- Sulianik suliaqarnermut malittarisassat
- Nipangiussisussaataaernerup inunnullu namminernut paasissutissanik ingerlatitseqqiisarnerit ukkatarineqarneri
- Naammagittaalliuuteqarnerit ingerlatitsivinnilu nakkutiginninneq

Modulimi siunertaavoq peqataasut pisortani ingerlatsinermi sulianik suliaqarnermut tunngavigineqartut pillugit paasisimasaqalernissaat.

Ingerlatsinermit inatsimmut tunngasunik taaguutini malittarisassanillu ilinniartitsisoqassaaq. Inatsiseqarnikkut paasissutissanik pissarsivissat kiisalu qanoq paasineqarnissaannut periaatsit sammineqassapput. Inuit pisinnaatitaaffii naleqartitaallu aamma modulimi ilaassapput.

Sulianik suliaqarnermut inatsimmi malittarisassat, tassani nipangiussisussaataaneq inunnullu namminernut paasissutissanik ingerlatitseqqiisarneq modulimi uani ukkatarineqarnerpaassapput. Ingerlatitsivimmi naammagittaalliorsinnaanermut periarfissanik ilisimasaqarneq innuttaasullu aalajangiineq pillugu naammagittaalliorsinnaminnut periarfissaat ilinniartitaanermi sammineqassapput aammattaaq sulianik suliaqarnermut malittarisassat maleruarneqanngippata kingunerisinnaasai sammineqassapput.

Modulimi anguniarneqarpoq peqataasut:

- Inatsiseqarnikkut paasissutissanik pissarsivissat assigiinngitsut isumaginninnerup iluani suliassaqarfimmi atorneqartartunik ilisimasaqarlualernissaat
- Inuit pisinnaatitaaffii pillugit ilisimasaqalernissaat
- Sulianik suliaqarnermut inatsimmi aalajangersakkat pillugit ilisimasaqalernissaat paasisimasaqarnissaallu
- Nipangiussisussaataaernerup inunnullu namminernut paasissutissanik ingerlatitseqqiisarnermut malittarisassat maleruarsinnaanngornissaat
- Atuisut naammagittaalliorsinnaanernut periarfissaat pillugit siunnersorsinnaalernissaat
- Isumaginninnerup ataqatigiittumik aqqissugaanerata sannaanik ilisimasaqalernissaat ingerlatitsivimmilu nakkutilliinermut ilisimasaqalernissaat
- Sulianik suliaqarnermi malittarisassat maleruarneqanngippata kingunerisinnaasaanik ilisimasaqalernissaat

Modul 3: Isumaginninnerup iluani suliassat inuiaqatigiinnilu pissutsit

- Inuiaqatigiinni pissutsit isumaginninnerullu iluani suliassat ataqatigiinnerat
- Nalitsinni kalaallit inuiaqatigiit ineriartornerata oqaluttuarisaanera
- Inuunermi atukkat, inuusaatsit inuunerullu pitsaassusia
- Inuunermi atukkanik misissuineq
- Atugarissaarnermik aqqissuussaanerit
- Inuit ataasiakkaat, eqimattakkuutaat inuiaqatigiinnilu isumaginninnerup iluani suliassanik suussusiineq misissuueqqissaarinerlu
- Suaassuseq naligiissitaanerlu
- Inuiaqatigiinni sulisinneqarneq

Modulip siunertaa tassaavoq peqataasut isumaginninnerup iluani sulinermi inuiaqatigiinni pissutsinut attuumassuteqarnera pillugu paasisimasaqalernissaat.

Inuunermi atukkanik misissuinerit saqqummiunneqassapput aamma inooriaatsit, inuusaatsit inuunerillu pitsaassusia pillugit teoriinik ilinniartitsisoqassaaq.

Atugarissaarnermik aqqissuussaanerit teoriit pillugit ilinniartitsisoqassaaq, tassani qanoq taakku aqqissuussaanerit isumaginninnermut politikeqarnermut attuumassuteqarnerisut ilinniartitsissutigineqassaaq.

Inuiaqatigiit tungaanniit sammivilikkamik isumaginninnermi suliat nassuiarneqassapput. Aammattaaq naligiissitaanerup isumaata imarisaa suaassutsimut atassuteqarnera modulimi ilaavoq.

Modulimi anguniarneqarpoq peqataasoq modulimik naammassinnereeruni:

- Isumaginninnermi suliat ilisarnaataannik pilerneranillu ilisimasaqalernissaa paasisimasaqarnissaalu
- Kalaallit Nunaanni inuiaqatigiit ineriartornerata oqaluttuarisaaneramik ilisimasaqalernissaa
- Kalaallit Nunaanni inuunermi atukkanik misissuinerinik ilisimasaqalernissaa
- Inooriaatsit, inuusaatsit inuunerullu pitsaassusianik pillugit teoriinik ilisimasaqalernissaa
- Isumaginninnerup iluani nammineq allanilu atorfillit suliarisaat pillugit paasisimasaqalernissaa, kiisalu susassaqaqatigiittut sammisaqarfinni assigiinngikkaluani suleqatigiinnerata pingaaruteqarnera pillugu paasisimasaqalernissaa
- Atugarissaarnermik aqqissuussaanerit assigiinngitsut inunnut imminnut paarisinnaanngitsunut atatillugu pingaaruteqassusaanik paasisimasaqalernissaa
- Inuiaqatigiinnut tunngassuteqartunik pissutinik inuiaqatigiinni naligiissitsinngilersinnaasunik ilisimasaqalernissaa
- Naligiissitaanerit suaassutsimullu taaguutinut atatillugu suut atuuttuunersut ilisimasaqarfigilernissaa
- Isumaginninnerup iluani pitsaaliuinerinik suliaqarnermi atuisut assigiinngitsutigut ilanngunneqarsinnaanerit ilisimasaqalernissaa

Modul 4: Inunnut ataasiakkaanut, innuttaasunut ilaqutariillu pillugit inatsit

- Ilaqutariinnermut tunngasutigut meeqqat pisinnaatitaaffii
- Angajoqqaatut oqartussaassutsip imarisaa meeqqanillu nammineersinnaanngitsunik nakkutiginninnermut malittarisassat
- Inersimasut nakkutiginnittussat malittarisassat
- Aappariineq pillugu inatsit pilersuisussaataanerlu
- Innuttaasunut inatsisip iluani malittarisassat toqqammavigineqartut
- Inersimasutut piginnaalersimannngitsut taakkualu pisinnaatitaaffii
- Qitornavissartaartussanik naliliinissamut atatillugu qitornavissartaarnermut inatsit
- Isumaginninnermi malittarisassanut atatillugu ilaqutariit pillugit inatsit

Modulip siunertaraa peqataasut isumaginninnerup iluani sulinnermi pingaaruteqartumut ilaqutariit pillugit inatsimmi malittarisassanik ilinniartinneqarnissaat.

Tamanna isumaqarpoq meeqqat pisinnaatitaaffii pillugit malittarisassat aamma pilersuisussaataanerlut, angajoqqaatut oqartussaassutsip nakkutiginnittussallu taaguutaasa suut nassatarineraat pingaartumik sammineqassasut.

Taassuma saniatigut modulip siunertaraa peqataasut Isumaginninnerup iluani Siunnersortitut Sulinnermut attuumassuteqarsinnaasunik innuttaasunut inatsimmi malittarisassanik ilisimasaqalernissaat.

Isumaqtigiinnissamut malittarisassaasinnaapput aamma namminersorsinnaasutut piginnaassuseqartitaanerlut malittarisassat. Inersimasutut piginnaalersimannngitsut pigisaat nalillit pillugit ilinniartitsissutigineqassapput kiisalu ilaqutarsiaasussat akuerineqarnissaannut atatillugu qitornavissartaarnermut inatsimmi aalajangersakkat sammineqassallutik.

Moduli ilaqutariit pillugit inatsimmi malittarisassat pisortanilu aalajangersimasumik periutsit ataqtigiinnerat pillugu nassuiaanermik naggaserneqassaaq.

Modulimi anguniagaq tassaavoq peqataasut:

- Angajoqqaatut oqartussaassuseq, nakkutiginnittussat pilersuisussaataanerlu pillugit angajoqqaanik siunnersuisinnaalernissaat
- Isumaginninnerup iluani sulinnermi meeqqat pisinnaatitaaffii pillugit ilisimasatik atorsinnaalernissaat
- Inuit 18-it sinnerlugit ukiullit namminersorsinnaanerannik arsaarinninnissamut atatillugu malittarisassanik ilisimasaqalernissaat
- Isumaqtigiinnermut inatsit piginnaassuseqartitaanermullu malittarisassat pillugit ilisimasatik ulluinnarni sulinnermini atorfissaqartinneqalissappata atorsinnaalernissaat
- Inersimasutut piginnaalersimannngitsut pigisaminnik nalilinnik atuisinnaatitaanerlut pillugit ilisimasaqalernissaat taamaasillutillu siunnersorsinnaalernissaat
- Qitornavissartaarnermut inatsit pillugu ilisimasaqalernissaat
- Ilaqutariit pillugu inatsit isumaginninnerlu pillugu inatsiseqarnerup ataqtigiinnerinik paasisimasaqalernissaat

Modul 5: Meeqqat inuusuttullu

- Ineriartornerup nalaani tarnip pissusaa pillugu teoriit
- Kinaassutsip inerikkiartornera, inooqatigiinni inooqataaneq kiisalu meeqqat inuunerminni atugaat
- Sumiginnaaneq tamassumunnga ilanngullugu kinguaassiutitigut atornerluineq
- Inooqatigiinnermi assigiinngissuseq piitsuunerlu
- Inatsisit meeqqanut inuusuttunullu attuumassuteqartut tamassumunnga ilanngullugu iliuusissatut pilersaarutit
- Susassaqaqatigiittut sammisaqarfinni assigiinngikkaluani suleqatigiinnerat
- Ilaqutariinni ajornartorsiutinik pitsaaliuinnermut atortussat periaatsilluunniit
- Ilaqutariinnut pissaatikitsunut atatillugu teoriit periaatsillu

Modulip siunertaraa peqataasut meeqqanut inuusuttunullu atatillugu inooqatigiinnermi ajornartorsiutinik suussusersisinnaalernissaat, kiisalu pitsaaliuinarluni isumaginninnerullu iluani suliniuteqarniarluni ajornartorsiutinik ukuningga misissuisinnaanissaq naliliisinnaanissarlu.

Ineriartornerup nalaani tarnip pissusaanik, kinaassutsimik inerikkiartortitsineq, inooqatigiinnilu inooqataaneq kiisalu meeqqat inuunerminni atugaat pillugit ilinniartitsisoqassaaq. Sammisat soorlu inooqatigiinni assigiinngissuseq, inuunermi pissutsinik allannguisut, kinguaassiutitigut kannguttaatsuliornerit, tarnikkut timikkullu persuttaasaneq aamma sumiginnaaneq modulimi ilaatinneqassapput.

Susassaqaqatigiittut sammisaqarfinni assigiinngikkaluani suleqatigiinnerat iliuusissatullu pilersaarusiortarneq ilisaritinneqassapput.

Ilaqutariinni ajornartorsiutinik pitsaaliuinnermut ikiorsiinnermullu teoriit, periaatsit sulinermilu atortussat nassuiarneqassapput assersuusiarineqarlutillu.

Modulimi anguniagaq tassaavoq ilinniartoq naammassinnereeruni:

- Meeqqanik inuusuttunillu navianartorsiortunik sullissinerup iluani ajornartorsiutinik suussusersisinnaanissaa, nassuiaasinnaanissaa misissuisinnaanissaalu
- Meeqqanut inuusuttunullu suliniutinik ilisimasaqalernissaa
- Misissueqqissaarineq tunuliaqutaralugu isumaginninnerup iluani suliniuteqarnissamut pilersaarusiorsinnaanissaa tamassumunnga ilanngullugu inatsisit attuumassuteqartut ilanngussinnaanissai
- Susassaqaqatigiittut sammisaqarfinni assigiinngikkaluani suleqatigiinnerat pillugu ilisimasaqarnissaa suleqataasinnaariartornissaalu
- Ilaqutariinnut pissaatikitsunut atatillugu teoriinik, periaatsinik atortussanillu ilisimasaqalernissaa taakkuningalu ulluinnarni sulinermi atuisinnaalernissaa

Modul 6: Suliffimmi pissutsit

- Kalaallit Nunaanni suliffeqarfeqarfik ilinniartitaanermilu aqqissuussaaneq
- Suliffeqarfeqarfimmi politiki
- Sulisinnaassutsip nalilernerqarnera aamma tulluarsaqatigiiaanik immikkoortiterineq (matchgruppering)
- Tulluarsaqatigiiaat 3-mik ukkataqarneq
- Kajumilersitsitsilluni sulisitsineq
- Inatsisit suliffissaaleqisunut attuumassutillit
- Suliffissaaleqinerup inunnut ataasiakkaanut, ilaqutariinnut inuiaqatigiillu tungaatigut sunniutigisinnaasai

Modulip siunertaraa Kalaallit Nunaanni suliffeqarfeqarfiup, sulisut tamarmik, nikilertortarnerata kiisalu suliffeqarfeqarfimmut atatillugu ilinniartitaanermi aqqissuussaanagerup ersarissarneqarnissai.

Peqataasut suliffissaaleqisunut atatillugu pitsaaliuinissamut ikorsiinissamullu periutsinik ilisimasaqalissapput. Pissutsit pillugit suliassaqarfiup iluani isumaginninnermi suliassanik pilersitsisinnaasut pillugit piginnaasaqarfigilissavaat.

Suliassaqarfimmi inatsisit suliareqqissaarneqassapput, tassani pingaartumik pisortanit ikorsiissutit sammineqassapput, aammattaarli suliffeerunnermut ikorsiissutit pillugit inatsit, piginnaangorsaqqiineq inatsisillu allat attuumassuteqartut ilanngunneqassapput.

Modulimi anguniagaq tassaavoq peqataasup naammassinnereeruni:

- Suliffeqarfeqarfiup iluani inuttut ajornartorsiutinik suussusersisinnaanissaa, nassuiaasinnaanissaa misissuisinnaanissaalu
- Suliffeqarnermut tunngasutigut ajornartorsiutinut tunngasunik suliniuteqarnissamut ilisimasaqalernissaa
- Inatsimmik naleqquttumik atuisinnaalernissaa
- Tulluarsaqatigiiaanik immikkoortiterineq aallaavigalugu sulisinnaassutsimik naliliisinnaanissaa
- Inunnut suliffeqanngitsunut iliuusissatut pilersaarusiorsinnaangornissaa

Modul 7: Inuttut inooqatigiinnikkullu naligiinnginneq atugarliornerlu - inuk ataaseq ilaqutariillu

- Nalinginnaasut allaassuteqartullu pillugit teoriit
- Eqimattat navianartorsiortut pillugit ilisimasaqarneq
- Inummut ataatsimut naleqqussaariaatsit, avissaartiterineq, peqataalersitsineq peersitsinerlu
- Inersimasut navianartorsiortut pillugit isumaginninnikut sulineq
- Inunnut innarluutilinnut inatsit
- Utoqqalinersiutit pillugit inatsit
- Inuiaqatigiinni sulisinneqarneq

Modulimi siunertarineqarpoq inummut ataatsimut ilaqutariinnullu tunngatillugu inooqatigiinnermi assigiinngissutsimut navianartorsiornermullu taaguutinik ilisarititsinissaq, isumaginninnerup iluani suliniutinik aallartitsinissaq anguniarlugu pineqartut ajornartorsiutaat suussusersisinnaajumallugit, missoqqissaarsinnaajumallugit nalilersinnaajumallugillu.

Inuit innarluutillit pillugit suliassaqarfik ilinniartitsissutigineqassaaq, suliassaqarfimmi tassani nalunaarutit siunnersuinerlu ilanngunneqassapput. Siusinaartumik soraarnerussutisiaqalernermit inatsit aamma ilanngunneqassaaq.

Isumaginninnerup iluani inersimasunut ikiorsiinnermi periutsit assigiinngitsut tamassumunnga ilanngullugu sullissinissamut periarfissat. Moduli isumaginninnerup iluani inunnik ataasiakkaanik ilaqutariinnillu sullissinnermi atuisunik peqataatitseriaatsinik assigiinngitsunik ilinniartitsinnermik naggaserneqassaaq.

Modulimi anguniarneqarpoq peqataasoq naammasinnereeruni:

- Qitiusumik sullitanik ilisimasaqalernissaa
- Inuiaqatigiilerinnermi tarnillu pissusaanik teoriinik suliassaqarfimmut attuumassuteqartunik ilisimasaqalernissaa
- Isumaginninnerup iluani suliniummik aallartitsinissaq anguniarlugu teoriip ajornartorsiutinut timalerneqarnissaa pillugu piginnaasaqalernissaa
- Sullitanik pitsaaliuinnermut ikiorsiinnermullu suleriaatsinik ilisimasaqalernissaa, tamassumunnga ilanngullugu inuit qanimut tikillugit sulineq atuisunillu peqataatitsineq
- Inatsimmik naapertuuttumik ilanngussaqaarsinnaanissaa

Modul 8: Aaqqissuussaaneq, attaveqatigiinneq siunnersueriaaserlu

- Kulturikkut naleqartitat isummallu
- Aaqqissuussaaneq teorit aqutsinerlu
- Attaveqatigiinneq
- Meeqqanik oqaloqatiginnineq
- Aaqqiagiinnginnermi suliaqarneq
- Siunnersueriaaseq

Modulip siunertaraa peqataasut kulturip isumaata imarisaanik ilisimasaqarfigilernissaat inuiaqatigiinnut kulturikkut aaqqiagiinnginnerit pilersinnaasut paasisinnaajumallugit.

Modulimi nammineq isummat naleqartitallu atorlugit suliaqartoqassaaq.

Tamassuma saniatigut ilinniartut oqartussat namminersortullu kattuffiik ilisimasaqalissapput, taakkunani isumaginninnerup iluani suliaqarnernik ingerlaffiusartunik kattuffiillu pillugit teoriinik aqutsinerlu pillugit ilisimasaqalissallutik.

Attaveqatigiinnermi teorit attaveqatigiinnermilu sungiusarnerit modulimi ilaassapput. Oqaloqatiginneariaatsit tusarnaarnissamullu sungiusarnerit, tamassumunnga ilanngullugu meeqqanik oqaloqatiginnittarnerit ilaassapput.

Kiisalu aamma aaqqiagiinnginnermi suliaqarnerit siunnersueriaatsillu.

Modulimi anguniarneqarpoq peqataasoq naammassinnereeruni:

- Isumaginninnermi ingerlaatsinik kulturimik pilersitsisartunik ilisimasaqalernissaat
- Aaqqissuussaaneq toqqammaviisa isumaginninnerup iluani suliaqarnermut pingaaruteqassusaat pillugu ilisimasaqalernissaat
- Ataatsimiinnerni aqutsisuusinnaanissaat assigiinngitsutigullu aqutsisuusinnaanermik ilisimasaqalernissaat
- Attaveqatigiinnermi piginnaasaqalernissaat
- Aaqqiagiinnginnermi suliaqarnermik ilisimasaqalernissaat tamassuminngalu suliaqarnissaminnut sungiusarsimanissaat
- Siunnersueriaatsimik ilisimasaqalernissaat

Modul 9: Aliasuuteqarneq, ajornartoorneq nalaassimasamillu kingunerlutsitsineq

- Ajornartoornermi teoriit
- Aliasuuteqarnerit kingusinaarlutik takkuttut imaluunniit utaqqitissimasat, tamassumunga ilanngullugit tarnikkut anniaatit timikkut nappaatinngorsimasanut ersiutit aamma/imaluunniit tarnikkut ersiutit
- Inunnik ajornartorsiornermik nalaataqartunut atatillugu ikiuinissamut atortussat periutsillu
- Meeqqat aliasuuteqarnerminni qisuariaataat
- Suleqatinut siunnersueriaaseq
- Imminermut inuttut ineriartornermik suliaqarneq

Modulip siunertaraa peqataasut inunnik ajornartorsiornermik nalaataqarallartunik imaluunniit sivisuumik aliasuuteqartunik ajornartorsiutinillu nalaataqartunik isumaginnissinnaalernissaat oqaloqatiginnissinnaalernissaallu.

Meeqqat aliasuuteqartarnerat ukkatarineqassaaq, taamaasilluni ilinniartitaanermi ajornartoornermi teoriinik sammisaqarnikkut meeqqap aliasuuteqarneranik paasisimasaqalerneq, ilisimasaqalerneq paasinnissinnaanerlu anguneqassaaq. Peqataasoq ilinniartitaanermigut, sungiusartitaanermigut sulianillu piviusunik sammisaqarnermigut sullitaminik aliasuuteqartunik suliaminik ilisimasalittut ikiuisinnaangussaaq.

Siunnersueriaatsini ileqqorissaarnissamut malittarisassat pillugit ilisarititsisoqassaaq, kiisalu siunnersueriaatsinik siunnersuinermilu ilitersuunneqarneq. Ilinniartuq nammineq inuunermini aliasuutigisaminik ajornartorsiutinillu suliaqarnissaminik periarfissaqassaaq.

Modulimi anguniarneqarpoq peqataasoq naammassinnereeruni:

- Inummik aliasuuteqartumik naapertuuttumik oqaloqatiginnissinnaalernissaa
- Ajornartoornermi teoriinik ilisimasaqalernissaa inunnullu ajornartorsiornermik nalaataqartunut atatillugu iliuuseqarnissaminut atortussaqaalernissaa
- Meeqqat aliasuuteqarnerminni qisuariaataat pillugit ilisimasaqalernissaa aamma meeqqanik aliasuuteqartunik ikiueriaatsip pitsaasup suuneranik ilisimasaqalernissaa
- Sullitaminut aliasuuteqartunik, ajornartorsiornermik nalaataqartunik ajornartoornermilu inissimaffeqartunik suliaminik ilisimasalittut ikiuisinnaalernissaa
- Suleqammik siunnersuinermigut suleqatiminik tapersersuisinnaalernissaa
- Immineq inuunerminut tunngatillugu erseqqinnerusumik ilisimasaqalersimanissaa

Modul 10: Isumaginninnerup iluani siunnersuineq

- Isumaginninnerup iluani siunnersuineramik suliaqarnermi inuttut piginnaasat
- Isumaginninnerup iluani Siunnersuineq siunnersueriaatsillu allat
- Oqartussaasutut suliaqarneq sulianillu suliaqarneq
- Isumaginninnerup iluani Siunnersuinerami isumaginninnikkut ikiorsiineramik suliaqarneq
- Najugarisami inuiaqatigiinni sulisinneqarneq
- Isumaginninnerup iluani sulinerami allannermi oqaatsit atorneqartartut

Modulip siunertaraa inulerinerup iluani sulinerami taaguutit eqikkarneqarnissaat kiisalu inulerinerup iluani siunnersuineq pillugu tigussaasumik sammisaqarnissaq.

Aqqutissiuinerami siunnersuineramilu periutsit assigiinngitsut pillugit ilinniartitsisoqassaaq. Aammattaaq inunnik ataasiakkaanik, eqimattakkaanik innuttaasullu ataatsimut isigalugit ikiorseeriaatsit assigiinngitsut pillugit ilinniartitsisoqassaaq.

Najugarisami inuiaqatigiinni sulisinneqartarnikkut pitsaaliuinermut periutsit sammineqassapput.

Modulimi anguniarneqarpoq peqataasoq naammassereeruni:

- Innuttaasunik siunnersuinissaminut piginnaasaminik sungiusarsimanissaa
- Aqqutissiuinerup, siunnersuinerup ikiorsiinerup assigiinngissutaat ilisimalissagai
- Oqartussaasutut imminut ilisimmarittussaanissaa sulianillu suliaqarnermut inatsimmi malittarisassanik paasisimasaqarnissaa
- Inunnik ataasiakkaanik, eqimattakkaanik innuttaasunillu ataatsimut isigalugit isumaginninnikkut ikiorsiinerami periutsinik assigiinngitsunik ilisimasaqarnissaa
- Najugarisami inuiaqatigiinni sulisinneqarneq pillugu ilisimasaqarnissaa
- Isumaginninnerup iluani sulinermut atatillugu allattariarsornermi piginnaasani pitsanngorsarsimassavai

Modul 11: Piffissamut itinerusumik sammisaqarfissamut aalajangersimasumillu qulequtsiilluni allaaserinninnissamut piareersarneq

- Peqataasut kissaataat malillugit sammisanik saqqummiussineq
- Aalajangersimasumik qulequtsiilluni allaaserinninneq
- Allanneq
- Sammisassamut apeqqusiaq
- Atuakkanik atugassanik ujaasineq
- Aalajangersimasumik qulequtsiilluni allaaserisap aallartinnera
- Inuttut ataasiakkaatut siunnersortinneq

Modulip siunertaraa peqataasup isumaginninnerup iluani atuagarsornerup sulinerullu tunngasutigut killilimmik, qitiusumik sammisamik ajornartorsiummilluunniit immikkut paasisimasaqalernissaa.

Projekti kisimiilluni eqimattatulluunniit annerpaamik sisamaalluni suliarineqarsinnaavoq. Pisuni tamani peqataasup namminersorluni suliaqarsinnaanera piumasaqaataavoq. Projektip isumaginninnerup iluani sulinermi pitsanngorsaaqataanera pillugu peqataasut tunngaviliissapput. Projekti teoriit, maligassat, periutsit isummallu imarisaannik tunngavilersorneqassaaq ersersinniarlugu isumaginninnerup iluani sulineq ilinniartitsissutinit assigiinngitsunit toqqammaveqartoq kiisalu pisuni ataqatigiittuni aalajangersimasuni kisiat isumalimmik paasinarsarneqarsinnaasoq.

Ilinniartuq ajornartorsiummik aallaaveqartumik projektimik suliaqassaaq, killilimmik ajornartorsiutitalimmik – oqaasertalikkamik. Ajornartorsiut allaaserineqartussaq siunnersortimit akuerineqassaaq.

Projektimik suliaqarnermi ajornartorsiut aallaavigalugu ilinniartitsisoqassaaq.

Paasisutissanik katersinermi atuinermilu periutsit aamma projektimik allaaserinninneq pillugit ilinniartitsisoqassaaq.

Modulip ingerlanerani peqataasut sammisat itisilerneqarnissaanik kissaatigisimasaat pillugit saqqummiisoqassaaq.

Modulimi anguniarneqarpoq peqataasoq naammassinnereeruni:

- Qitiusumik sammisap tunngavilersorneqarnissaanut ilisimasaqalerlunilu piginnaasaqalernissaa
- Isumaginninnerup iluani sulinermit atatillugu ajornartorsiummik killilerlugu aalajangersimasumillu inissiisnaalernissaa
- Ajornartorsiut erseqqissarumallugu atortussanik misissuisinnaanngorlunilu suliaqarsinnaalernissaa
- Ilinniakkami suliaqarfiit aalajangersimasunit teoriinik taaguutinillu pissarsiaminik atuisinnaanini takutissinnaanngornissaa
- Misissuinerup inernerata suliaqarfimmit tunngavilikkamik paasinartumillu allattariarsornikkut ingerlateqqissinnaalernissaa

Modul 12: Soraarummeerneq

Suliakkiissutigineqartoq modulip aallartinnerani tunniunneqassaaq. Soraarummeernerup tungaanut piffissaq peqataasut saqqummiinissaminnut soraarummeernissaminnullu piareersaatitut atussavaat.

Suliakkiissutigineqartumut toqqammavigineqartussat soraarummeernissarlu pillugit paasisutissat ilinniarneq pillugu quppersakkami tapertaasumi atuarneqarsinnaapput.

Soraarummeerneq misilitsinnerilluModulini misilitsinnerit

Modulini misilitsinnerit oqaluttariarsornermi, allattariarsornermi imaluunniit taakkua ataqatigiissillugit misilitsinnerupput. Soraarummiissutini misilitsinnerillu ilaanni eqimattatut suleqatigiinnissaq piumasaqaataavoq. Modulini misilitsittarnermi siunertarineqarpoq ilinniarnermi pissarsiarisartakkat annertusineqarnissaasa qularnaarneqarnissaa, tassani modulit ilinniartitsinernut ilinniartullu sulinerannut ataqatigiissillugit. Aammattaaq ilinniartup modulinit ataasiakkaaniit ilikkarsimasaminik sammisamullu paasisimasaminik namminerlu sulinerminut ataqatigiissillugit nalilersorneqarsinnaavoq, tak. modulit tamarmik siunertai.

Modulini misilitsinnerni siunertarineqarpoq ilinniartup ilinniarnermi pissarsiaata annertusineqarnissai ilinniarnernanilu tamaat ilikkagaata atajuarnissaat, aamma modulit ingerlannerisa akornanni. Modulini misilitsinnerit ima aaqqissuunneqarput suliaqarfinni aalajangersimasuni atuagarsornerup misissueriaatsillu ineriartornerisa suli qaffassarneqarneratigut.

Modulit tamarmik naaneri misilitsinnermik naggaserneqartarput, taakkua akuerineqarlutilluunniit angusiffigineqassapput tak. soraarummeernermi ilinniartup iluaniit avataaniilluunniit nalileeqaataasoqartillugu kalaallit karakterileeriaasiat (Den Grønlandske Karakterskala (GGS)). Tassani toqqammavigineqartut ilinniarneq pillugu quppersakkami ilaatinneqartumi sukumiinerusumik allaaserineqarput.

Ilinniarnernup ingerlannerata nangingneqarsinnaanissaanut modulini misilitsinnerit akuerineqarlutilluunniit angusiffigineqarsimassapput. Modul 5-imi aamma 9-mi ilinniartitaanernut peqataanginnermi modulit siuliini misilitsinnerit akuerineqarsimassapput imaluunniit angusiffigineqarsimassallutik.

Inaarutaasumik misilitsinneq

Inaarutaasumik misilitsissinnaangorniaraanni modulini misilitsiffigisat tamarmik akuerineqarsimallutilluunniit angusiffigineqarsimasariaqarput.

Inaarutaasumik misilitsinnermi ilinniartuq kisimiilluni imaluunniit eqimattatut aalajangersimasumik qulequtsiilluni allaaserisani/allaaserisartik tunniutissavaa/tunniutissavaat, taanna oqaluttariarsorluni misilitsinnermi

aallaavigineqassaaq. Ilinniartuq avataaniit nalileeqaataasulimmik soraarummeernermini kalaallit karakterileeriaasiat (GGS) malillugu nalilerneqassaaq.

Allattariarsornikkut oqaluttariarsornikkullu misilitsinnerup ataatsimut nalilerneqarneranut immikkoortut ukua tunngavigineqassapput: Inulerinerup iluani Siunnersorti ilinniakkamik naammassinnissimasup piginnaasatigut ilisarnaatai aamma Inulerinerup iluani Siunnersortitut ilinniakkami ilikkagassatut anguniakkat.

Soraarummeernermi modulinilu misilitsinnerni soraarummeertunik nalileeqaataasut pillugit aalajangersakkat

Ilinniakkap pitsaassusaa qularnaarneqassaaq ilaatigut avataaniit soraarummeernermini nalileeqaataasartunit akuerisanit nalileeqaataasoqarneratigut. Nalileeqaataasussat PI/SPS-imiit inniminnerneqassapput rektorillu akuersineratigut peqataatinneqassallutik. Tamanna aamma misilitsinnerni ilinniarfiup iluaneersumik nalileeqaataasoqartuni atuuppoq. Aallaavittut soraarummeernermini misilitsinninilu nalileeqaataasoq ataasiusarpoq.

Soraarummeernerit misilitsinnerillu internetikkut kiffartuussivikkut ingerlanneqarnissaat aaqqissuunneqarsinnaavoq. Internetikkut kiffartuussivikkut oqaluttariarsornermini misilitsinnernik soraarummeernermillu aaqqissuussinerni ilinniartuq soraarummeertunik nalileeqaataasumik imaluunniit rektorip akuerisimasaanik inummik allamik ilaqartuaannassaaq.

Misilitseqqinnissamut, napparsimanagerup kingorna soraarummeernissamut suliffimmillu misiliinissamut piffissarititaq nutaamut aalajangersakkat

Nakorsamit oqaaseqaammik uppersarneqarsimasumik napparsimanagerup imaluunniit inatsisigut naapertuuttumik pisinnaasimanagerneq pissutaalluni ilinniartut misilitsissimanagergitsut soraarummeersimanagergitsullu ilinniarfiup aalajangersaanageratigut napparsimanagerup kingorna soraarummiissapput.

Misilitseqqinnerup/napparsimanagerup kingorna soraarummeerneq sapinngisamik piaarnerpaamik kingusinnerpaamillu ilinniartitsissummi tullissaani nalinginnaasumik misilitsittoqarnerani ingerlanneqassaaq.

Inaarutaasumik misilitsinnernut peqataatitaqqinnerup nalinginnaasumik marloriaannaq pisinnaavoq.

Misilitseqqissinnaatitaaneq aatsaat 'akuerineqanngitsutut' nalilerneqarnermini imaluunniit karakteritigut angusinnernermini pisinnaavoq; assersuutigalugu Fx-imik F-imilluunniit karakterinnassimanagernermini (GGS malillugu).

Soraarummeernermut allagartaq ilassuteqaatitullu allagartaq (Diploma Supplement)

Inaarutaasumik soraarummeernermi Inulerinerup iluani Siunnersortitut Ilinniakkamik naammassinnissimasutut allagartartaartoqassaaq. Allagartaq kalaallisut danskisullu tunniunneqassaaq.

Ilinniartup kissaatigippagu ilinniartup ilassuteqaatitullu allagartamik (Diploma Supplement) tunniussisinnaavoq. Allagartaq taanna European Commissionimit, Council of Europemit aamma UNISCO/CEPES-imiit tuluttut allataavoq, siunertarivaalu ammasumik periuseqartumik suliamillu ilisimasalittut akuerineqarnissaaq aamma ilinniakkap imarisaanik, annertussusaanik qaffasissusaanillu naammassinnissimanerup uppersarnissaa.

Naammagittaalliornerit

Ilinniartup misilitsinneq soraarummeernerluunniit naammagittaalliuutigerusussappagu kingusinnerpaamik naliliiffineqarnerup nalunaarutigineqarnerata kingorna sapaatip akunneri marlut qaangiutsinnagit naammagittaalliuut ilinniartumit nammineerluni tunniunneqassaaq. Naammagittaalliuut allakkatiguussaaq aamma patsiseqassaaq.

Rektorip naammagittaalliuut naliliisunut piarnerpaamik saqqummiutissavaa, taakkualu naammagittaalliummi suliatigut pineqartumut oqaaseqarnissaminut nalinginnaasumik sapaatip akunnernik marlunnik periarfissinneqartarput. Ilinniartuq sapaatip akunnerata ataatsip iluani killigitinneqartumik naliliisut oqaaseqaataat pillugu oqaaseqarnissaminut periarfissinneqassaaq.

Tamassuma kingorna rektori allakkatigut patsisilimmik aalajangiissaaq.

Ilinniartup nalaani nunani allaniinneq

Ilinniartup ilinniartunut suliffeqartunoortuuvoq, taamaammat ilinniartup ingerlanneqarnerani nunani allaniinnissaaq aqqissuunneqarsinnaanngilaq. PI/SPS-ip, ilinniartup suliffiatu akornanni isumaqatigiissutigineqarsinnaavoq ilinniartuq nunami allami ilinniartup moduli ataaseq ingerlassinnaagaa. PI/SPS-imit nalilerneqassaaq modulip Inulerinerup iluani Siunnersortitut Ilinniakkami ilikkagassatut anguniakkanut qanoq naapertuutsiginera, kiisalu ilinniakkap ingerlanerani modulimut/modulinut sorlermut/sorlernut ilinniartup modulit naammasseriikkani nuussinnaaneraai nalilerneqassalluni.

Ilinniartup nalaani siunnersortinneq

Holditut, eqimattakkaatut imaluunniit kisimiilluni siunnersortittoqarsinnaavoq aamma tamanna internetikkut ingerlanneqarsinnaavoq.

Siunnersuinerup siunertaraa ilinniartup suliaminut ilinniartup akisussaaffimmik tiguseratigut pitsaasunik atugaqarnissaa taamaasillunilu inuttut sulisutullu ineriartussalluni.

Siunnersortinnissamut aallarniineq ilinniartumiit eqimattaniilluunniit aamma ilinniartunut siunnersortimiit ilinniartitsisuniillu pisinnaavoq.

Ilinniartunik siunnersuineq

Ilinniarnep ingerlanneqarnera tamakkerlugu ilinniartunut siunnersortimit siunnersorneqarnissaq periarfissaavoq.

Siunnersortinneq ilinniarnep pillugu apeqqutitut nalinginnaasunut, ilinniarnepmi ajornartorsiutitut (inuttut inooqataanikkut imminermullu tunngasut) tunngassuteqarsinnaavoq, tamassumunnga ilanngullugit ilinniarnepmi peqataanngippallaarneq, suleqatigiinneq, napparsimaneq tassanilu immikkut ittumik ilinniakkamik ingerlatsinissamut periarfissinneqarneq, ilinniakkami sulianut tunngasunut ajornartorsiutitut (ilinniartitsisunik suleqateqarneq imaluunniit immikkut ittumik ingerlatsinissamut aqqissuussineq) aamma immikkut perorsaanikkut ikiorsernerit pillugit. Ilinniartunut siunnersortip akisussaaffigaa ilinniartuq ilinniarnep avataani ikiorserneqarnissaanut periarfissai pillugit siunnersornissaa, assersuutigalugu Nuna Tamakkerlugu Ilitsersuisarnep ataniittumi ilinniartunut Siunnersuisarnepmi ikiorserneqarsinnaanera.

Suliatigut siunnersortinneq

Ilinniartitsisut tamarmik holdimut attuumassuteqartut suliatigut siunnersuisarnep aamma ilinniartup ilinniarnepni tapersortarpaat.

Peqataanissamut pisusaatitaaffik

Peqqussutitut nalunaarutillu naapertorlugit ilinniarnepmi ilinniakkamik aqqissuussaanut ilinniakkamut ilinniartuq peqataassaaq. Ilinniartup peqataanerminut eqquutsisinerani ilinniarnepmi nalunaarsussavaa, ilinniarnepmi ilinniartuq ilinniarnepmi peqataanissaminut pisusaaffeqarnerani nalunaarsorneqartussaanelu pillugit paasitissavaa.

Ilinniakkamik aallussineq

Ilinniartuq ilinniakkap immikkoortuini tamani ilinniakkaminik aallussissalluni pisusaatitaavoq. Ilinniakkamik aallussineq tassaavoq ilinniartup modulini ilinniartitaanera, ilinniakkamit ilinniartitsisumiillu piimasarneqartutut suliaqqissutitut tunniussisarnissaa, kiisalu ilinniakkami misilitsinnepni peqataasarnissaa.

Taassuma saniatigut ilinniartup akisussaaffigaa ilinniartitsisut ilinniaqatinilu peqatigalugit ilinniassalluni. Peqataaneq tassaavoq najuunneq, kinguneqarlutussamik suleqatigiinnermik aallarniineq ilikkagaqarnikkullu tunngasutigut nutaanik eqqarsarnissamut suliaqarnissamullu piumasuseqarneq.

Amigartumik peqataaneg

Peqataanissamut pisussaatitaaffimmut amigartumik peqataanerup kingunerissavaa ilinniartup qimataaffigisaminik angumersinissaminik piumaffigineqarnissaa, imaluunniit ilinniartup soraarummeersinnaanissaminut periarfissaanik arsaagaaneranik. Peqataanissamut pisussaaffimmik eqquutsitsineq soraarummeersinnaanissamut piumasaqaataavoq.

Ilinniartuq amerlasooriarluni allaganngorlugu mianersoqqusummik tunineqarsimappat imaluunniit piffissami sivisunerusumi peqataanissaminut pisussaaffini eqquutsissimangippagu ilinniartuq ilinniakkaminiit anisitaasinnaavoq.

Piffissaq naammassinissamut atornegartuq

Piffissap ilaannaa atorlugu Inulerinermi Siunnersortitut ilinniakkap naammassinissaanut sivisunerpaamik ukiut sisamat iluini ilaatigut misilitseqqinnissaq napparsimanerullu kingorna soraarummeernissamut periarfissaqarnissamut naatsorsuussamik sivisussuseqarpoq.

Ilinniakkamik naammassinngitsoornermi ilinniakkamut isernissamut allatuulli piumasaqaatit malillugit qinnuteqartoqarsinnaavoq, taamaattoq siuliani modulini angusiffigalugit peqataaffigisimasat ilinniakkamut nuunneqarsinnaapput. Ilinniartut modulini misilitsiffinni/soraarummeerfinni siuliatigut angusiffigisimasaminni peqataasinnaangillat.

Immikkut akuerineqarnissamut aalajangersakkat

Pisuni immikkut ittuni ilinniarfik aamma rektorip akuersineratigut ilinniakkap aaqqissuussaanerata uuma malittarisassaanit kiisalu ilinniakkap malittarisassaanit allanit immikkut ittumik pineqarnissaq akuerisinnaavaat.

Aalajangersakkat immikkut akuerineqarnissamut tunngasut naapertorlugit ilinniarfiup ilinniarnermik ingerlatsinerit immikkut ittut aaqqissuussinnaavai, ilinniartuq peqataanissaminut pisussaatitaaffia atorunnaartissinnaavaat aamma/imaluunniit ilinniartitsissutit ilai suliaqarnermullu immikkoortut nakorsap nalunaaruteqarneratigut, ilinniartuq peqqissutsikkut peqquteqarluni ilinniarneq ingerlassinnaangippagu. Ilinniagaq tamakkernagu naammassineqarsimappat tamanna soraarummeersimanermut allagartami ilaatinneqassaaq.